

GARIS PANDUAN DAN SYARAT-SYARAT PERMOHONAN LESEN IKLAN PAPAN TANDA PREMIS

Permohonan hendaklah dikemukakan melalui **Borang Permohonan**

Dokumen Permohonan

- 1 salinan pendaftaran syarikat/perniagaan/pertubuhan (Borang 9 dan 49 atau Borang D beserta maklumat perniagaan dan pemilik)
- 1 salinan kad pengenalan pemohon
- 1 contoh visual berwarna beserta saiz ukuran setiap perkataan
- Visual hendaklah mendapat pengesahan Bahasa Melayu yang betul daripada Dewan Bahasa dan Pustaka
- Gambar berwarna menunjukkan lokasi pemasangan
- Salinan lesen premis perniagaan (jika berkaitan)
- Surat kebenaran pemilik bangunan (jika berkaitan)
- Salinan surat perjanjian penyewaan bagi iklan internet
- Salinan perakuan amalan perubatan bagi iklan klinik
- Lokasi papan tanda hendaklah mengikut saiz 'beam' dan tidak menutup cermin, tingkap dan fasad bangunan.
- Papan tanda tidak dibenarkan dipasang tergantung di laluan pejalan kaki luar premis.
- Papan tanda tegak 2 muka ukuran ketinggian maksimum dihadkan ketinggian 7 kaki dan lebar 3 kaki (7' X 3').
- Papan tanda tegak 2 muka hanya dibenarkan di Tingkat 1 premis sahaja.
- Struktur iklan berbentuk kain rentang tidak dibenarkan sebagai iklan tetap.
- Visual yang mengiklankan minuman keras, rokok, gambar yang menjolok mata, tata kelakuan yang kurang sopan/lucah tidak dibenarkan.
- Tidak dibenarkan meletak had masa perniagaan pada papan tanda restoran.
- Kedudukan papan tanda yang didirikan di atas tanah dalam kawasan premis hendaklah sekurang-kurangnya 5 kaki (5') dari longkang atau rezab jalan.
- Visual yang mempamerkan ubat-ubatan hendaklah mendapat kelulusan Kementerian Kesihatan

Syarat-Syarat Kelulusan

- Visual hendaklah mengutamakan penggunaan Bahasa Malaysia samada dari segi saiz perkataan, warna dan kedudukannya.
- Aktiviti perniagaan dalam Bahasa Malaysia hendaklah diletak di sebelah atas kiri atau tengah papan tanda dan diasingkan kedudukan dengan lain-lain perkataan.

Syarat-Syarat Lesen

- Fee lesen dikira atas asas bulan ke bulan. Sebahagian bulan dikira sebagai satu bulan
- Menjelaskan bayaran lesen dalam tempoh 30 hari dari tarikh surat kelulusan dikeluarkan.
- Lesen hendaklah dipamerkan di premis.
- Mencatat nombor rujukan kelulusan lesen di sebelah kiri bawah papan tanda.
- Mencatat nama dan nombor syarikat di sebelah bawah kanan papan tanda.
- Saiz papan tanda melintang melebihi 40 kaki (panjang) X 4 kaki (lebar) dan kedudukan premis di tingkat empat ke bawah perlu mengemukakan Polisi Insuran Perlindungan Awam (Public Liability), sekiranya kedudukan premis di tingkat empat ke atas perlu mengemukakan Polisi Insuran Perlindungan Awam (Public Liability) dan struktur pelan yang disahkan daripada Jurutera bertauliah yang berdaftar.
- Mempamerkan iklan papan tanda di lokasi dan visual yang diluluskan sahaja.
- Pertukaran nama syarikat, saiz papan tanda, alamat dan visual dalam tempoh kelulusan lesen hendaklah terlebih dahulu mendapat kelulusan daripada Jabatan Pelesenan Dewan Bandaraya Kuala Lumpur.
- Dewan Bandaraya Kuala Lumpur berhak membatalkan lesen, menurunkan iklan dan

mengenakan tindakan undang-undang sekiranya melanggar syarat-syarat pelesenan atau mendapat bantahan dari orang awam.

- Semua kelulusan pemasangan iklan papan tanda premis tertakluk kepada peruntukan-peruntukan dan Undang-Undang Kecil Iklan (Wilayah Persekutuan) 1982 dan pindaannya.
- Sebarang pertukaran visual dalam tempoh lesen yang sah mestilah mendapat kelulusan daripada Jabatan Pelesenan, Dewan Bandaraya Kuala Lumpur.

